

Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

VII. Discrimen ecclesiasticæ & civilis potestatis in hæc specie expenditur.
Imperium regium, totius Reipublicæ salutem curat, aliquando etiam cum
pernicie privata. Deinde juris dubij executionem ...

urn:nbn:de:hbz:466:1-15591

& Imperij Lib. II. Cap. XVI. 115

1. Chrysostom. 31.

in edificationem, non autem in destructionem, ut testatur Apostolus. Vnde sequitur nihil obtrudendum esse fidelibus, quod eos offendere aliquo pacto possit, atque adeo legem ecclesiasticam minus commadat, pro non scripta esse habendam. Quia, ut inquit Chrysostomus, *hec est Christianismi regula, hoc illius exacta definitio, hic est vertex supra omnia eminens, publice utilitati consilere.* Secunda verò ratio hæc est, quia Christus ipse discrimen utriusque potestatis in præceptis dandis, auctoritate sua constituit: *Reges gentium dominantur eorum, & qui potestatem habent super eos, benefici vocantur, vos autem non sic.* inquit ille apud Matthæum & Lucam. His verbis de legitima Regum auctoritate Christus agit, non verò de tyrannica, cum de iis Regibus loquatur qui benefici & *despotiam à populis dicerentur.* Et si quis abuti velit voce Græca *χρυσότονος*, quæ extat apud Matthæum, reponetur illi, Lucam simplici verbo *χρυσόν* usum. In eo autem discrimen versatur, quod Regibus summo imperio multa peragere liberum sit, quam effusam licentiam suis Apostolis Christus adimit: ita ut verus dominus sit penes Reges, non autem penes Sacerdotes; quorum potestas non est despotica, sed temperata, & ad populorum usum accommodata; ita ut monarchia ecclesiastica ex aristocratico regimine sit commixta: contrà quām accidit in plerisque regnis, quæ jure optimo à Principibus possidentur. Vehemens est Bernardus, & ferè totus in eo ut hanc sententiam Eugenio Pontifici persuadeat: *Nec enim tibi ille (Petrus sc.) dare quod non habuit potuit; quod habuit, hoc dedit, sollicitudinem, ut dixi, super Ecclesias. Numquid dominationem? Audi ipsum: Non dominantes in Clero, sed forma facti gregis. Et ne dictum sola humilitate putas, non etiam veritate, vox Domini est in Evangelio: Reges gentium dominantur eorum, & qui potestatem habent super eos, benefici vocantur. Et infert: Vos autem non sic. Planum est, Apostolis interdicitur dominatus.* Ergo tu, & tibi usurpare aude, aut dominans apostolatum, aut Apostolicus dominatum. Planè ab alterutro prohibetur. Si utrumque similiiter habere velis, perdes utrumque. Nec aliena est Bernardi explicatio à veterum sensu. Etenim Origenes hunc locum Evangelij sic edifferit: *Principes gentium non contenti tantum regere subjectos suos, violenter eis dominari nituntur. Inter vos autem, qui estis mei, non erunt hæc. Ne forte qui videntur habere aliquem in Ecclesia principatum, dominantur fratribus propriis, vel potestatem in eos exercant. Quoniam sicut omnia carnalia in necessitate sunt posita, non in voluntate, spiritualia*

*autem in voluntate, non necessitate; sic & Principes spirituales. Principatus eorum in dilectione debet esse positus, non in timore corporali. Ex quo sequitur leges ecclesiasticas, quæ de rebus jure naturali vel divino non vetitis, ad ecclesiæ & ordinem Ecclesiæ externum tantummodo componendum feruntur, non necessitate, sed voluntate, non timore corporali, sed dilectione subjectorum, niti debere. Quod Gregorius Nazianzenus conceptis verbis testatur: *Vel maximè id lex nostra & legislator noster sanxit, ut grec non coacte sed sponte ac libenti animo pascatur.* Possem, si pluribus testimonio opus esset, Hieronymum quoque laudare, qui Regem nolentibus, Episcopum volentibus præesse scribit: *Et Chrysostomum, cuius hæc sunt verba, dum potestatem utramque composuit: Legibus ac mandatis omnia peraguntur, (scilicet apud Principes) hic vero nihil tale. Neque enim licet ex auctoritate precipere.**

Gregor. Nazianz.
in Apolog.

Hieron. in Epist.
tagh. Nepot.

Chrysost. in Acta
Apol. hom. 3.

VII. Occurret aliquis, nos jam asseruisse Regibus ipsis nos esse liberum invitos cives ad legem amplectendam cogere, ideoque non esse tam anxiæ hærendum huic discrimini inter utramque potestatem, quod hoc loco urgamus. Præterea quæ licere Sacerdotibus contumaciam impiorum excommunicatione pletere, ac Regibus in facinorosos animadvertere gladio. Hanc difficultatem solvere oportet, tam ex iis quæ jam observavimus, quæ ex iis quæ in hanc partem distulimus commodioris doctrinæ causâ. Regium Imperium à sacerdotali in eo maximè distat, quod illi non sola singulorum civium rationes commissa sunt, sed totius Reipublicæ salus, unde fit ut in cives, etiam invitatos, ad foendum totius Reipublicæ corpus, jus illi competat, quemadmodum antea dixi. Quod aliter se habet in episcopali ministerio; cui Ecclesiæ sollicitudo ita est commissa, ut singulorum saluti præcipue invigilare debeat, nec curare possit universum corpus aliquorum membrorum pernicie; sed ad exemplum Magistri nonaginta novem oves desiderandæ illi sunt, ut centesimam ad causas reportet. Deinde in ipsa ratione legum ferendarum, quæ singulorum civium controversias respiciunt, Principes quidem eorum utilitatibus consulere debent, adeo ut eos tacita conditione suis legibus obstringi nolint, nisi usu ipso constiterit eas leges Reipublicæ commidas & utiles esse. Attamen si non jure ordinario, sed summo jure agere velint, earum Constitutionum executionem urgere, quæ de jure dubio feruntur, & ab invitatis civibus obsequium extorquere possunt, sine ulla tyrañici im-

P ij

Vide secundam
Præfationem Mar-
ci s. 6.

Paulus Rom. 13.
& Petrus 1. ep. c. 1.

Cheif, hom. 15. in
1. Corinb.
Theodoret. in Præ-
fat. ad Synagogæ
Canonum. &c. &c.
G. A. 1. 1. 1. 1. 1. 1.
m. 1. 1. 1. 1. 1. 1.

Insc. in Decr.

Huc referri pos-
sunt plures ex
in quæ diximus
capite superiori,
& principiis s. 3.

perij exprobratione. Etsi enim dura sint aliquando Regum imperia, ordo ille im- perandi & parendi id exigit, ut subditi dominorum mandatis cedant, quemadmo- dum Apostoli disertissimè docuerunt. Sed in legibus ecclesiasticis, quæ jus naturale aut divinum non exsequuntur, summum il- lud imperium locum non habet. quo sensu accienda sunt quæ adduxi testimonia è Gregorio Nazianzeno, Hieronymo, Chry- stostomo, & Bernardo, ad loci evangelici explicationem. Quinetiam magnum discri- men intercedit inter supplicia quæ leges publicæ contumacibus irrogant, & excom- munications, aut ceteras censuras, qui- bus utitur Ecclesia adversus sceleratos. Princeps enim adulterum, aut cadiis reum, gladio plectit; id est, maleficum commer- rità peccatum afficit, in eoque vim imperij sui ostendit. Ecclesia verò non exigit peccatum, sed morborum curationem. Itaque non in- fligit excommunicationem, ut mactet, sed ut pœnitentem salutem conciliat; quemad- modum disertè interpretatur alicubi Chry- stostomus. Vnde Thodoretus in Synagoge Canonum adnotavit, aliam esse rationem legum regiarum, & canonum, quod illæ severas pœnas à reis exigant, hi autem er- rantes in viam reducere & ægris remedia parare conentur, quando peccatum est in leges evangelicas, aut mores receptos.

VIII. Si quis autem de quæstione pro- posita, quæ fuerit sententia veterum, requirat, definiri posse videretur ex Innocentio I. & Gelasio. Etenim ille non solam editio- nem Decretorum quæ complexus erat epistola quam dederat ad Alexandrum Antiochenum, sed etiam consensum Episco- porum provincialium requirit: *Vt que ipse tam necessario percutiat es*, inquit, & nos eliamē respondimus, communī omnium consensū studiōque serventur. In eandem sententiam Gelasius dixit primam sedem exequi unius- cuiusque synodi constitutum, quod Universalis Ecclesiæ probavit assensus. Imo & Hilarius, à me supra laudatus, Decreta ab Occidente in Orientem mittri consuevit scripsit, non extorquendi assensus injuria, sed instruen- dæ omnium conscientiæ cognitione.

Ad hanc disputationem illustrandam non omitti debet insigne Anastasi⁹ Bibliotheca- ri testimonium, qui ad marginem sexti ca- nonis Septimæ Synodi, ubi mentio habetur cujusdam canonis Trullani Concilij, haec adnotavit: *Nec te moveat si hanc definitionem nos minimè habeamus, cum & eam nonnullas quas intercanones habemus, in auctoritatem non recipiamus*; sicut quasdam ex Conciliis. Alie- namque apud Grecos tantum, alie. verò apud certas solum provincias, in observantia ecclesiæ-

stica assumuntur. Sicut sunt Laodicenſis Concilij 16. & 17. regule, que apud Grecos tantum ser- vantur, necnon & Africanorum Conciliorum 6. & 8. capitula, que nulla provincia servare, nisi Afri- cana dignoscitur. Hanc ob causam ipsi etiam Romani Pontifices in formula professionis quæ habetur in Diurno Ecclesiæ Romanæ, spondent se observaturos & confirmaturos omnia decreta canonica predecessorum apostoli- corum nostrorum Pontificum, quecumque ipsi synodaliter statuerunt, & probata sunt. Non inutiliter hæc ultima verba addiderunt. Sciebant etenim præter constitutionem fac- tam synodi assensu, necessarium fuisse ut tacito provinciarum consensu probaretur.

Communem omnium seculorum senten- tiam etiam hac in parte secuti sunt Galli no- stri; qui se solis illis canonibus teneri puta- verunt, qui aut contrario usu aboliti non essent, aut qui ab initio usu recepti fuissent. Id testatur Philippus Rex Francorum in Pragmatica qua privilegia quædam Academias Aurelianensis indulxit anno MCCCXII. *Non putet igitur aliquis nos recipere, vel proge- nitories nostros recepisse, Consuetudines quilibet, sive Leges, ex eo quod eas in diversis locis & Studiis regni nostri per scholasticos legi finan- tur. Multa namque eruditio & doctrina profi- ciunt, licet recepta non fuerint. Sicut nec Ec- clesia recipit quæplures canones, qui per de- fuetudinem abierunt, vel ab initio non fuere re- cepti, licet in Scholis & studiois propter erudi- tionem legantur. Scire namque sensus, ritus, & mores hominum diversorum, locorum, & tem- rum, valde proficit ad cuiuscunque doctrinam.*

Consensus necessitatem hac etiam ratio- ne probavit Nicolaus Cusanus, quod olim omnia disciplinæ capita decernerentur in Concilio, ex communi Episcoporum suf- fragio & consensu, secundum formam ab Apostolis præscriptam, qui ex sua & senio- rum sententia, Decreta de suffocato, & de sanguine, ediderunt. Vnde sequi ait, Con- stitutiones pontificias aut è canonibus re- ceptis petendas; aut si potestatem statuen- di, quam Summus Pontifex à Deo haberet, in rebus nondum canone decisis explicare velit, *ad hoc quod statutum ejus liget, non suf- ficit quod sit publicè promulgatum, sed oportet quod accepatur, & per usum approbetur, secun- dum superiora & ea que notantur de Constitu- tionibus super rubrica; ubi dicitur per Doctores, quod ad validitatem statuti tria sunt necessaria, potestas in statuente, publicatio Statuti, & ejus- dem approbatio per usum. Vnde videmus immu- nera apostolica statuta, etiam à principio post- quam edita fuere, non fuisse acceptata.*

IX. Quæ in contrarium afferuntur, eiul- modi sunt, ut à recepta sententia discedere non cogantur. Neque enim subditis idcirco

Domenus Eras-
m. editio 3.
Rom. ab Hollstein
sed typographia, ut
1660.

Franc. Flora
Anæclitos mag-
nificissima provi-
bia, verba in
Dilect. de Org.
jur. Can. 16. b.
mem.

Cufassus Cardua-
lii de Concord.
Cath. 3. 1. c. p.
10. & 11.

Final. 7
no. 10.
B. 1. 10.